



ABDUL FATTAH ABDULLAH (kanan) beramah mesra dengan peserta Program Dialog Pemiagaan-Peluang Untuk Koperasi di Kuala Lumpur, semalam. - UTUSAN/FARIZ RUSADIO

Taktik lapuk tidak dapat kaburi pihak berkuasa

## Jangan manipulasi CSR elak bayar cukai

Oleh **ADLINAHANI KHALIL**  
pengarang@utusan.com.my

■ KUALA LUMPUR 14 MAC

AHLI-AHLI pemiagaan di negara ini tidak perlu lagi berselindung di sebalik penganjuran pelbagai program tanggungjawab sosial korporat (CSR) dengan niat mengelak daripada membayar cukai yang berjumlah puluhan juta ringgit.

Presiden Angkatan Koperasi Kebangsaan Malaysia Berhad (Angkasa), Datuk Abdul Fattah Abdullah berkata, taktik itu sudah lapuk serta tidak dapat mengaburi mata pihak berkuasa.

Menurut beliau, sesiapa sahaja yang terlibat harus dikenakan tindakan undang-undang tegas tanpa mengira pangkat individu terabit.

"Cukai yang perlu dibayar mungkin berjuta ringgit tetapi disebabkan nak elak, ada syarikat anjur banyak program CSR yang sebenarnya hanya melibatkan pengeluaran kos lebih sedikit berbanding jumlah cukai yang perlu dilunaskan.

"Sampai bila nak guna taktik tersebut untuk mengelak tunaikan tanggungjawab kepada negara? Kesannya mungkin tidak dapat dilihat dalam tempoh singkat namun generasi akan datang yang terkena tempias, terutamanya dalam aspek pembangunan negara," katanya ketika ditemui pemberita selepas merasmikan Program Dialog Pemiagaan-Peluang Untuk Koperasi di sini hari ini.

Yang turut hadir, Ketua Pegawai Operasi Koperasi Co-opbank Persatuan, Mohd. Dzafan Khalid.

Laporan Khas *Utusan Malaysia*

hari ini mendedahkan lebih ramai ahli pemiagaan bergelar Tan Sri dan Datuk Seri akan disiasat dalam tempoh terdekat atas kesalahan mengelak cukai dan jenayah kewangan.

Difahamkan, mereka terdiri daripada ahli-ahli pemiagaan terkemuka yang terlibat dalam pelbagai bidang dan industri termasuklah pembangunan hartanah, perbankan dan automobil.

Sementara itu, Abdul Fattah menyatakan kelegaan apabila mengetahui laporan mengenai Permodalan Nasional Berhad (PNB) yang ingin mengambil alih operasi Bank Rakyat adalah palsu.

Katanya, penafian oleh Bank Rakyat menggambarkan bahawa bank tersebut masih memperjuangkan agenda koperasi terutamanya untuk semua ahli di seluruh negara.